

# Regjistri Statistikor i Ndërmarjeve

Metadata Referenciale në format ESS Standard for Quality Reports  
Structure (ESQRS)

INSTAT

## Metadata Referenciale

1. Kontakt.....	2
2. Paraqitja statistikore.....	2
3. Përpunimi statistikor.....	4
4. Manaxhimi i cilësisë.....	5
5. Rëndësia.....	5
6. Saktësia dhe besueshmëria.....	7
7. Afatet kohore dhe përpikmëria.....	9
8. Koherenca dhe Krahasueshmëria.....	9
9. Aksesit në të dhëna dhe qartësia.....	10
10. Kostoja dhe ngarkesa.....	11
11. Konfidencialiteti.....	11
12. Komente.....	12
Aneks.....	12

1. Kontakt	
1.1. Institucioni i kontaktit	INSTAT, Instituti i Statistikave
1.2. Njësia e kontaktit	Sektori i Regjistrimit Statistikor të Ndërmarrjeve, Drejtoria e Statistikave Ekonomike
1.3. Personi i kontaktit	Flutura Rama
1.4. Funkzioni i personit të kontaktit	Përgjegjës, Sektori i Regjistrimit Statistikor të Ndërmarrjeve
1.5. Adresa postare	Rr. Vllazën Huta, Ndërtesa 35, Hyrja 1, Tiranë, Kodi Postar 1017
1.6. Adresa elektronike (e-mail)	<a href="mailto:frama@instat.gov.al">frama@instat.gov.al</a>
1.7. Numri i telefonit	+(355) 4 2222411 / +(355) 4 2233356
1.8. Numri i faksit	+(355) 4 2228300
2. Paraqitja statistikore	
2.1. Përshkrimi i të dhënave	<p><b>Regjistri Statistikor i Ndërmarrjeve (RSN)</b> shërben për qëllime statistikore dhe identifikon qartësisht njësitë ekonomike, në mënyrë që:</p> <ul style="list-style-type: none"> <li>• Të lejojë marrjen e informacionit për to nëpërmjet burimeve administrative;</li> <li>• Të lejojë përgatitjen e kampionëve, koordinimin e anketave dhe për grupimin e rezultateve të tyre;</li> <li>• Të lejojë analizën demografike të popullsisë së ndërmarrjeve dhe njësitë lidhur me to. RSN është bazë për hartimin e statistikave të nevojshme për dhënien e treguesve afat-shkurtër dhe të zhvillimeve strukturore ekonomike.</li> </ul> <p>RSN përmban të gjitha njësitë ligjore regjistruar pranë sporteleve të Qendrës Kombëtare të Biznesit (QKB) apo edhe pranë Organeve Tatimore. Këto njësi janë të pajisura me Numër Identifikimi të Personit të Tatueshëm (NIPT) dhe ushtrojnë aktivitet ekonomik brenda territorit të Republikës së Shqipërisë. RSN përditësohet nga burime administrative dhe vrojtime statistikore të organizuara nga INSTAT dhe Agjencitë Statistike.</p>
2.2. Sistemi i klasifikimit	<p><b>Nomenklatura e Veprimtarive Ekonomike (NVE)</b>, është klasifikim në nivel katërshifror i veprimtarive ekonomike të ushtruara nga ndërmarrjet. Kjo nomenklaturë është miratuar me vendim të Këshillit të Ministrave, Nr. 320 datë 28.5.2014 dhe është përkthimi dhe përshtatja e Nomenklaturës së Aktiviteteve Ekonomike të Komunitetit Evropian NACE Rev.2. Madhësia e ndërmarrjes përcaktohet nga numri i të punësuarve:</p> <ul style="list-style-type: none"> <li>• Ndërmarrjet me 1-4 të punësuar klasifikohen si ndërmarrje shumë të vogla;</li> <li>• Ndërmarrjet me 5-9 të punësuar klasifikohen si ndërmarrje të vogla;</li> <li>• Ndërmarrjet me 10-49 të punësuar klasifikohen si ndërmarrje të mesme;</li> <li>• Ndërmarrjet me 50 e më shumë të punësuar klasifikohen si ndërmarrje të mëdha.</li> </ul>

	<p><b>Ndarja territoriale statistikore në 3 (tri) rajone NUTS</b></p> <p>Organizimi territorial statistikor brenda territorit të Republikës së Shqipërisë përfshin tri rajone bazuar në 12 qarqe:</p> <p><b>Rajoni I:</b> Dibër, Durrës, Kukës, Lezhë, Shkodër;</p> <p><b>Rajoni II:</b> Elbasan, Tiranë;</p> <p><b>Rajoni III:</b> Berat, Fier, Gjirokastrë, Korçë, Vlorë.</p>
2.3. Mbulimi i sektorit	<p>Regjistri Statistikor i Ndërmarrjeve përmban të gjitha njësitë ligjore, ndërmarrjet dhe njësitë lokale që ushtrojnë aktivitet ekonomik brenda territorit të Shqipërisë. Regjistri mirëmban dhe përditëson informacionin si për ndërmarrjet aktive ashtu edhe për ndërmarrjet e fjetura apo të mbyllura.</p>
2.4. Koncepte statistikore dhe përkufizime	<p><b>Njësia ligjore</b></p> <p>Njësia ligjore nuk është direkt njësi statistikore. Njësia ligjore mund të jetë:</p> <ul style="list-style-type: none"> <li>• Person juridik, ekzistenca e të cilit njihet nga ligji, pavarësisht nga individët apo institucionet që mund ta zotërojnë apo janë anëtarë në të.</li> <li>• Person fizik i angazhuar në një aktivitet ekonomik në të drejtën e tij.</li> </ul> <p><b>Ndërmarrja</b></p> <p>Ndërmarrja është: “kombinimi më i vogël i njësive ligjore pra një njësi organizative e cila prodhon të mira apo shërbime dhe ka një farë autonomie në marrjen e vendimeve, veçanërisht për shpërndarjen e burimeve aktuale të saj. Ndërmarrja kryen një ose me shumë aktivitete në një apo më shumë vendndodhje (njësi lokale). Marrëdhënia mes një ndërmarrje dhe një njësie ligjore përkufizohet si: “ndërmarrja i korrespondon ose një njësie ligjore ose një kombinimi njësisish ligjore”.</p> <p><b>Njësia lokale</b></p> <p>Njësia lokale është një ndërmarrje apo pjesë e saj (p.sh manufakturë, fabrikë, magazinë, zyrë, minierë apo depo) të ndodhura në zona të identifikuar gjeografikisht. Tek ky apo nga ky vend ushtrohet aktiviteti ekonomik për të cilin me përjashtim të disa rasteve punojnë një ose më shumë persona (edhe pse me kohë të reduktuar) për një ndërmarrje të vetme.</p> <p><b>Aktiviteti ekonomik</b></p> <p>Aktiviteti ekonomik I ndërmarrjes bazohet në Nomenklaturën e Veprimtarive Ekonomike NVE Rev.2.</p>
2.5. Njësia statistikore	<p>RSN përmban njësitë statistikore: Ndërmarrja dhe Njësia Lokale</p>
2.6. Popullata statistikore	<p>Popullata statistikore përfshin ndërmarrjet aktive, të fjetura ose të mbyllura në fund të vitit referencë.</p>
2.7. Zona e referencës	<p>Të dhënat e Regjistrit Statistikor të Ndërmarrjeve mbulojnë të gjithë territorin e Shqipërisë.</p>
2.8. Mbulimi në kohë	<p>INSTAT ndërtoi për herë të parë Regjistrin Administrativ të Bizneseve në vitin 1994, dhe prej vitit 1998 përditëson dhe mirëmban Regjistrin Statistikor të Ndërmarrjeve, ndryshe RSN. Ky regjistër u ndërtua dhe bazohet në të dhëna administrative të marra nga Drejtoria e Përgjithshme e Tatimeve (DPT). Që prej vitit 2007 regjistri përditësohet gjithashtu me të dhëna nga Qendra Kombëtare e Biznesit (QKB).</p>

2.9. Periudha bazë	Nuk aplikohet vit bazë. Ky raport i referohet të dhënave të RSN 2020.
<b>3. Përpunimi statistikor</b>	
3.1. Burimi i të dhënave	<p>Regjistri Statistikor i Ndërmarrjeve me vit referencë 2020 përditësohet nga:</p> <p><b>Burime administrative të mëposhtme:</b></p> <ul style="list-style-type: none"> <li>• Informacioni nga Qendra Kombëtare e Biznesit(QKB);</li> <li>• Informacioni nga Drejtoria e Përgjithshme e Tatimeve(DPT);</li> <li>• Skedari i TVSH-së;</li> <li>• Llogaritë vjetore të ndërmarrjeve.</li> </ul> <p><b>Burimet statistikore</b> të kryera nga INSTAT dhe Agjencitë Statistike të mëposhtme:</p> <ul style="list-style-type: none"> <li>• Anketa e Regjistrimit të Ndërmarrjeve, ARN;</li> <li>• Anketa Strukturore pranë Ndërmarrjeve, ASN;</li> <li>• Anketa Tremujore pranë Ndërmarrjeve, ATN;</li> <li>• Anketa e Çmimeve të Prodhimit, IÇP;</li> <li>• Anketa të tjera</li> </ul>
3.2. Shpeshtësia e grumbullimit të të dhënave	<p>Regjistri Statistikor i Ndërmarrjeve përditësohet një herë në vit dhe shpeshtësia e grumbullimit të të dhënave është si më poshtë:</p> <ul style="list-style-type: none"> <li>• Qendra Kombëtare e Biznesit(QKB) - vjetore;</li> <li>• Drejtoria e Përgjithshme e Tatimeve(DPT) - tremujore;</li> <li>• Llogaritë vjetore të ndërmarrjeve vjetore;</li> <li>• Anketa e Regjistrimit të Ndërmarrjeve, ARN - vjetore;</li> <li>• Anketa Strukturore pranë Ndërmarrjeve, ASN - vjetore;</li> <li>• Anketa Tremujore pranë Ndërmarrjeve, ATN - tremujore;</li> <li>• Anketa e Çmimeve të Prodhimit, IÇP - vjetore;</li> </ul>
3.3. Grumbullimi i të dhënave	<p>Të dhënat nga burimi administrativ është më i rëndësishëm për të përditësuar RSN, të cilët krijojnë mundësinë e përfshirjes së njëjësive ligjore të reja, ashtu edhe për të identifikuar ndryshimet për çdo variabël në nivel ndërmarrje. Burimet statistikore përdoren nga sektori i RSN në momentin që ato finalizohen. Sektori bazuar në një listë të prioriteteve për çdo burim realizon përditësimin e RSN. Lista e prioriteteve përgatitet bazuar në: Periudha referencë dhe rëndësia.</p>
3.4. Vlefshmëria e të dhënave	<p>Sa i përket vlefshmërisë së të dhënave, procedurat e editimit të të dhënave në përgjithësi i referohen editimit në nivel mikro ose ndryshe në nivel ndërmarrje apo njësi lokale. Kontrollat e kryera bazohen kryesisht në përputhshmërinë me klasifikimet evropiane dhe kombëtare:</p> <ul style="list-style-type: none"> <li>• NVE Rev.2;</li> <li>• Forma ligjore;</li> <li>• Pronësia Shtetëtare;</li> <li>• Bashkia;</li> <li>• Qarku.</li> </ul> <p>Kontrolle manuale bëhen për ndërmarrjet e mëdha dhe për ndërmarrjet në degë strategjike si:</p>

	<ul style="list-style-type: none"> <li>• Transporti hekurudhor;</li> <li>• Transporti ajror;</li> <li>• Aktivitete postare dhe të korierës;</li> <li>• Prodhimi i energjisë elektrike;</li> <li>• Administrata publike.</li> </ul> <p>Aktiviteti ekonomik i tyre është miratuar nga grupi i përdoruesve të RSN, i cili merr në shqyrtim dhe vendos në rastet e paraqitjes së ndryshimit të aktivitetit ekonomik për çdo njësi statistikore</p>
3.5. Përpilimi i të dhënave	<p>Krijimi i njësive ligjore të reja automatikisht çon në krijimin e një ndërmarrjeje dhe një njësie lokale të re me variablat e RSN. Ky informacion sikurse dhe ndryshimet përftohen nga burimi administrativ e kryesisht DPT. Informacioni në nivel ndërmarrje përditësohet nga vrojtimitet e ndryshme sipas listës së prioriteteve dhe periudhës referencë të burimit administrativ apo statistikor. Për ndërmarrjet e mëdha bëhen përditësime manuale edhe nga kërkimet në internet. Vetëm sektori i RSN ka të drejtë të bëjë ndryshime. Sektorët e tjerë të INSTAT dërgojnë të dhënat në nivel ndërmarrje nga vrojtimitet apo ndryshime të tjera.</p>
3.6. Rregullimi	<p>Asnjë rregullim nuk i bëhet të dhënave të grumbulluara nga RSN.</p>
<b>4. Manaxhimi i cilësisë</b>	
4.1. Sigurimi i cilësisë	<p>INSTAT është i angazhuar për sigurimin e cilësisë në prodhimin e statistikave zyrtare. Duke u bazuar në ligjin “PËR STATISTIKAT ZYRTARE, Nr.17/2018, datë 05.04.2018”, INSTAT përdor metoda dhe procese statistikore në përputhje me parimet dhe standardet shkencore të pranura ndërkombëtarisht, si dhe kryen analiza të vazhdueshme, me qëllim përmirësimin e cilësisë dhe ofrimin e statistikave të përditësuara. Në kryerjen e detyrave të tij, INSTAT ndjek parimet e përgjithshme të menaxhimit të cilësisë, në përputhje me Kodin e Praktikës së Statistikave Evropiane (European Statistics Code of Practice). INSTAT për sigurimin e cilësisë udhëhiqet nga parimet e mëposhtme: paanshmëria, cilësia e proceseve dhe produkteve statistikore, orientimi për përdoruesit, orientimi për punonjësit, efektiviteti i proceseve statistikore dhe reduktimi i ngarkesës së të intervistuarve.</p>
4.2. Vlerësimi i cilësisë	<p>Të dhënat e RSN krahasohen me të dhënat e RSN në vitet e mëparshme për të dalluar nëse ka koherencë të dhënash apo ka pasur ndryshime të mëdha. Në rastet e ndryshimeve përdoren të dhënat administrative/vrojtimitet statistikore për të konfirmuar situatën e rasteve kur hasen diferenca të mëdha të sjelljes së një viti me vitet e tjera.</p>
<b>5. Rëndësia</b>	
5.1. Nevojat e përdoruesit	<p>Përdoruesit e RSN-së ndahen në përdorues të brendshëm dhe të jashtëm. Me përdorues të jashtëm nënkuptojmë:</p> <ul style="list-style-type: none"> <li>• Institucione të administratës publike</li> <li>• Universitetet</li> <li>• Organizatat jo fitimprurëse kombëtare dhe ndërkombëtare</li> <li>• Bizneset</li> </ul>

	<ul style="list-style-type: none"> <li>• Kërkues, student edhe të tjerë grupe të ngjashme.</li> </ul> <p>Botimi RSN i dërgohet çdo vit në një grup të caktuar përdoruesish. Gjithashtu plotësohen pyetësorë të dedikuar nga institucionet ndërkombëtare si Eurostat, Zyra Statistike e Bashkimit Evropian dhe Banka Botërore. Me përdorues të brendshëm nënkuptohen sektorë të tjerë brenda INSTAT të cilët përdorin të dhënat e RSN -së si input në punën e tyre.</p> <ul style="list-style-type: none"> <li>• Sektorët nga Drejtoria e Llogarive Kombëtare</li> <li>• Sektori i Metodologjisë</li> <li>• Sektori i Indekseve (veçanërisht për përditësimin e skedarit të TVSH-së me klasifikimin NACE)</li> <li>• Drejtoria e Statistikave Rajonale</li> <li>• Drejtoria e Statistikave Sociale</li> <li>• Zyrat Rajonale të Statistikave</li> </ul>
5.2. Kënaqësia e përdoruesit	<p>Pyetjes: "Si e vlerësoni cilësinë e përgjithshme të statistikave të Regjistrat Statistike të Ndërmarrjeve?" në shkallën nga 1 tek 5 (1=shumë e dobët, 2=e dobët, 3=e përshtatshme, 4=e mirë, 5=shumë e mirë), përdoruesit kanë vlerësuar cilësinë e të dhënave me një mesatare prej 3.72 (74.4%).</p> <p>INSTAT organizon çdo vit <a href="#">Anketën e Kënaqësisë së Përdoruesve</a></p>
5.3. Plotshmëria	<p>Për prodhimin e të dhënave statistikore të RSN ndiqet kjo bazë ligjore. Këto baza ligjore sigurojnë që të gjitha ndërmarrjet që operojnë në Shqipëri janë të detyruara të regjistrohen në DPT dhe DPT duhet të kalojë informacionin e nevojshëm për RSN në INSTAT.</p> <ul style="list-style-type: none"> <li>• Ligji Nr. 17/2018 datë 5.04.2018 "Për statistikën zyrtare" i ndryshuar;</li> <li>• Rregullore e Këshillit EU (EEC) Nr. 177/2008 datë 20 Shkurt 2008 mbi "Ndërtimin e regjistrave të ndërmarrjeve për qëllime statistikore";</li> <li>• Vendim i Kuvendit të Shqipërisë Nr. 10/2017 datë 09/02/2017 "Për miratimin e Programit të Statistikave Zyrtare 2017-2021";</li> <li>• Vendim i Këshillit të Ministrave për "Për miratimin e Nomenklaturës së Veprimtarive Ekonomike të revizionuar (Rev. 2)" Nr. 320 datë 28.5.2014;</li> <li>• Memorandumi i Mirëkuptimit ndërmjet Drejtorisë së Përgjithshme të Tatimeve dhe INSTAT, datë 11.3.2015;</li> <li>• Ligji Nr. 9920 datë 19.5.2008 "Për Procedurat Tatimore në Republikën e Shqipërisë";</li> <li>• Ligji Nr. 8957 datë 17.10.2002 "Për ndërmarrjet e vogla e të mesme, SME" ndryshuar me Ligjin Nr. 10042 datë 22.12.2008;</li> <li>• Vendim i Këshillit të Ministrave Nr. 1037, datë 15.12.2010. "Për zbatimin e nomenklaturës "Shqipëria në 3 (Tri) Rajone NUTS II", sipas nomenklaturës së njësisve territoriale për statistikën (NUTS), të Bashkimit Evropian;</li> <li>• Udhëzimi i Ministrisë së Financave Nr. 19 datë 3.11.2014 "Për Zbatimin e Regjimit të veçantë të skemës së kompensimit të prodhuesve bujqësorë për 7 qëllime të Tatimit mbi Vlerën e Shtuar".</li> </ul> <p>Përveç kësaj baze ligjore ekziston një shkëmbim i të dhënave me QKB.</p>
5.3.1. Plotshmëria e të dhënave - shkalla e plotshmërisë së të	<p>Shkalla e plotshmërisë së të dhënave, për SBR 2020, është 100%. Kjo përlllogaritje ka marrë në konsideratë të dhënat që kërkohen nga EUROSTAT, "Rregullore e Këshillit EU (EEC) Nr 177/2008 datë 20 Shkurt 2008 mbi</p>

dhënave	Ndërtimin e regjistrave të ndërmarrjeve për qëllime statistikore.
<b>6. Saktësia dhe besueshmëria</b>	
6.1. Saktësia e përgjithshme	Të dhënat e krahasohen me të dhënat e viteve më para për të dalluar nëse ka koherence të dhënash apo ka pasur ndryshime të mëdha. Në rastet e ndryshimeve përdoren të dhënat administrative për të konfirmuar situatën e rasteve kur hasen diferenca të mëdha të sjelljes së një viti me vitet e tjera.
6.2. Gabim i kampionimit	Nuk ka gabim kampionimi pasi ky nuk është një vrojtim statistikor i mirëfilltë por një integrim i te dhënave statistikore me ato administrative.
6.2.1. Gabimet në kampionim - indikatorët	Nuk është e aplikueshme pasi është burim administrativ.
6.3. Gabim jo i kampionimit	Në Shqipëri nuk ekziston ende sistemi i adresave dhe kjo sjell një cilësi jo të mirë të adresave në nivel ndërmarrjeve. Një pjesë e mirë e adresave është e gabuar ose jo e plotë. Anketuesit e theksojnë gjithmonë këtë problem në terren sidomos më ndërmarrjet e vogla. Procesi i përditësimit ka edhe procedura automatike kontrolli si kontrolli i gabimeve në NVE apo gabime në vendndodhjen gjeografike. Për të kontrolluar përputhshmërinë e NVE me përshkrimin me fjalë kontrollet manuale bëhen vetëm për ndërmarrjet e mëdha. Megjithatë bashkëpunimi më burimet administrative është shumë i rëndësishëm për të siguruar plotëshmërinë ashtu edhe për të rritur cilësinë e regjistrave, si bazë për prodhimin e statistikave. Cilësia e të dhënave të ndërmarrjeve është më e lartë se cilësia e të dhënave të njësive lokale, pasi nuk ka një burim administrativ i cili të përditësojë të dhënat e njësive lokale.
6.3.1. Gabimi në mbulim	Mbi-mbulimi ndodh kur ndërmarrja e zgjedhur në RSN është aktive por gjatë procesit të intervistimit ajo nuk është më aktive, është e mbyllur ose është e pamundur të gjendet
6.3.1.1. Shkalla e mbi-mbulimit	Shkalla e mbi-mbulimit për RSN 2020, duke marrë në konsiderate dy nga anketat më të rëndësishme që kryen INSTAT, Anketën Strukture të Ndërmarrjeve si dhe Anketën Tremujore të Ndërmarrjeve, është 2.99%.
6.3.1.2. Pjesa e njësive që mbulohet edhe nga anketa edhe nga burimi administrativ	Nuk mund të llogaritet pasi ky nuk është një vrojtim statistikor i mirëfilltë.
6.3.2. Gabimi në matje	Shitjet neto: Ky variabël është vendosur në RSN nga Regjistrimi i Ndërmarrjeve. Drejtoria e Përgjithshme e Tatimeve jep të dhëna për shitjet neto pjesërisht. Fermerët e regjistruar në DPT nuk deklarojnë shitjet neto. Vrojtimet statistikore pranë ndërmarrjeve e mbledhin këtë informacion, por shkalla e mbulimit në RSN është e vogël.
6.3.3. Gabimi në mos-përgjigje	Nuk ka gabim mos-përgjigje pasi RSN mbulon të gjitha njësitë legale, ndërmarrjet dhe njësitë lokale që kryejnë aktivitet ekonomik në territorin e Shqipërisë.
6.3.3.1. Shkalla e mos-përgjigjes së njësive	Nuk ka shkallë për mos-përgjigje të njësive pasi ky nuk është një vrojtim



	statistikor i mirëfilltë.																																	
6.3.3.2. Mos-përgjigja në nivel variabli	Mos-përgjigja në nivel variabli nuk ekziston pasi ky nuk është një vrojtim statistikor i mirëfilltë.																																	
6.3.4. Gabimi në procesim	Nuk ka gabime në procesim pasi përditësimi i RSN bëhet në mënyrë gjysmë automatike.																																	
6.3.4.1. Shkalla e Imputimit	<p>Grupi i treguesve që u shqyrtua për të bërë vlerësimin e efekteve të procedurës së pastrimit në nivel të agreguar, mund të përmblihet në tre tregues të ndryshëm.</p> <ol style="list-style-type: none"> <li>1. Treguesit për sasinë e të dhënave që i nënshtrohen procedurës së imputimit si: numri i rekordeve, numri i variablave, numri i variablave objekt i procedurës së imputimit dhe numri i vlerave totale.</li> <li>2. Treguesit për vlerësimin e efekteve të përgjithshme të procedurës së imputimit, si: i) shkalla e imputimit1 (I): (numri i vlerave të imputuara/numri i vlerave totale)*100; ii) shkalla e shtimit (Ia): (numri I shtimeve/ numri i vlerave totale)*100; iii) shkalla e ndryshimeve (Im): (numri i ndryshimeve/numri i vlerave totale)*100; iv) shkalla e eliminimit (Ie): (numri i eliminimeve/numri i vlerave totale)*100</li> <li>3. Treguesit sintetikë për shkallën e imputimeve të rekordeve, për shembull: Numri i rekordeve me shkallë imputimi më të madhe sesa 2% dhe numri i rekordeve me shkallë imputimi më të madhe sesa 5%. Në tabelën e mëposhtme janë vlerësimet e procedurës së imputimit</li> </ol> <table border="1"> <thead> <tr> <th rowspan="2">Indikatorët</th> <th>2020</th> </tr> <tr> <th>2019</th> </tr> </thead> <tbody> <tr> <td>Numri i rekordeve</td> <td>402,474</td> </tr> <tr> <td>Numri i variablave</td> <td>11</td> </tr> <tr> <td>Numri i vlerave totale</td> <td>4,427,214</td> </tr> <tr> <td><b>Numri i vlerave të vlefshme</b></td> <td>4,427,214</td> </tr> <tr> <td>Numri i vlerave të vlefshme boshe</td> <td>305,920</td> </tr> <tr> <td>Numri i vlerave të vlefshme jo boshe</td> <td>4,121,294</td> </tr> <tr> <td><b>Numri i vlerave të imputuara</b></td> <td>281,484</td> </tr> <tr> <td>Numri i shtimeve</td> <td>206,477</td> </tr> <tr> <td>Numri i eliminimeve</td> <td>2,473</td> </tr> <tr> <td>Numri i ndryshimeve</td> <td>72,535</td> </tr> <tr> <td><b>Shkalla e imputimit (I)</b></td> <td>6.83</td> </tr> <tr> <td>Shkalla e shtimeve (Ia)</td> <td>5.01</td> </tr> <tr> <td>Shkalla e eliminimit (Ie)</td> <td>0.06</td> </tr> <tr> <td>Shkalla e ndryshimeve (Im)</td> <td>1.76</td> </tr> <tr> <td><b>Shkalla e mos-imputimit</b></td> <td>93.17</td> </tr> </tbody> </table>	Indikatorët	2020	2019	Numri i rekordeve	402,474	Numri i variablave	11	Numri i vlerave totale	4,427,214	<b>Numri i vlerave të vlefshme</b>	4,427,214	Numri i vlerave të vlefshme boshe	305,920	Numri i vlerave të vlefshme jo boshe	4,121,294	<b>Numri i vlerave të imputuara</b>	281,484	Numri i shtimeve	206,477	Numri i eliminimeve	2,473	Numri i ndryshimeve	72,535	<b>Shkalla e imputimit (I)</b>	6.83	Shkalla e shtimeve (Ia)	5.01	Shkalla e eliminimit (Ie)	0.06	Shkalla e ndryshimeve (Im)	1.76	<b>Shkalla e mos-imputimit</b>	93.17
Indikatorët	2020																																	
	2019																																	
Numri i rekordeve	402,474																																	
Numri i variablave	11																																	
Numri i vlerave totale	4,427,214																																	
<b>Numri i vlerave të vlefshme</b>	4,427,214																																	
Numri i vlerave të vlefshme boshe	305,920																																	
Numri i vlerave të vlefshme jo boshe	4,121,294																																	
<b>Numri i vlerave të imputuara</b>	281,484																																	
Numri i shtimeve	206,477																																	
Numri i eliminimeve	2,473																																	
Numri i ndryshimeve	72,535																																	
<b>Shkalla e imputimit (I)</b>	6.83																																	
Shkalla e shtimeve (Ia)	5.01																																	
Shkalla e eliminimit (Ie)	0.06																																	
Shkalla e ndryshimeve (Im)	1.76																																	
<b>Shkalla e mos-imputimit</b>	93.17																																	
6.3.5. Shkalla e gabimit në modelin e parashikuar për vlerësim	Nuk përdoret asnjë model për të parashikuar/vlerësuar rezultatet.																																	
6.4. Rregullimi stinor	Asnjë përshtatje sezonale nuk i bëhet të dhënave të grumbulluara nga RSN.																																	
6.5. Politika e rishikimit	Politikat e rishikimit të RSN bëhen në përputhje me politikën e rishikimit si																																	



	dhe politikën e trajtimit të gabimeve të vendosura nga INSTAT. Për më shumë referohuni <ul style="list-style-type: none"> <li>• <a href="#">Politika e Revizionimit</a></li> <li>• <a href="#">Politika e trajtimit të gabimeve</a></li> </ul>								
6.6. Praktika e rishikimit	Nuk aplikohen praktika rishikimi.								
6.6.1. Rishikimi i të dhënave - madhësia mesatare	Nuk aplikohet								
<b>7. Afatet kohore dhe përpikmëria</b>									
7.1. Afatet kohore	Të dhënat e Regjistrit Statistikor të Ndërmarrjeve publikohen 5 muaj pas përfundimit të vitit referencë ( T+ 153 ditë). Periudha referuese e rezultateve të Regjistrit Statistikor të Ndërmarrjeve 2020 është 31 Dhjetori 2020. <table border="1"> <tr> <td>Periudha referuese</td> <td>12/31/2020</td> </tr> <tr> <td>Data e publikimit</td> <td>6/2/2021</td> </tr> <tr> <td>Afatet kohore</td> <td>153</td> </tr> </table>	Periudha referuese	12/31/2020	Data e publikimit	6/2/2021	Afatet kohore	153		
Periudha referuese	12/31/2020								
Data e publikimit	6/2/2021								
Afatet kohore	153								
7.1.1. Publikimi i rezultateve fillestare	Nuk është e Aplikueshme pasi aktiviteti publikon rezultatet finale								
7.1.2. Publikimi i rezultateve finale	Rezultatet e botimit të RSN publikohen bazuar në kalendarin e publikimeve, i cili publikohet në faqen e internetit të INSTAT çdo vit.								
7.2. Përpikmëria	Publikimi i RSN ka qenë i përpiktë në kohë në 100 % të publikimeve të kryera gjatë viteve. <table border="1"> <tr> <td>Periudha referuese</td> <td>12/31/2020</td> </tr> <tr> <td>Data e shpallur</td> <td>6/2/2021</td> </tr> <tr> <td>Data e publikimit</td> <td>6/2/2021</td> </tr> <tr> <td>Vonesa në kohë</td> <td>0</td> </tr> </table>	Periudha referuese	12/31/2020	Data e shpallur	6/2/2021	Data e publikimit	6/2/2021	Vonesa në kohë	0
Periudha referuese	12/31/2020								
Data e shpallur	6/2/2021								
Data e publikimit	6/2/2021								
Vonesa në kohë	0								
7.2.1. Përpikmëria - shpërndarja dhe publikimi	Bazuar në këtë kalendar publikimi i RSN ka qenë i përpiktë në kohë, në 100% të publikimeve të kryera gjatë viteve.								
<b>8. Koherenca dhe Krahasueshmëria</b>									
8.1. Krahasueshmëria gjeografike	<p>INSTAT përdor aspektet metodologjike të cilat janë të bazuara në konceptet, përkufizimet dhe udhëzimet e Rregullore e Këshillit EU (EEC) Nr.177/2008 datë 20 Shkurt 2008 mbi “Ndërtimin e regjistrave të ndërmarrjeve për qëllime statistikore”. Të dhënat e Shqipërisë mund të jenë të krahasueshme me vendet e BE apo vendet candidate. Në lidhje me periudhën referuese, Shqipëria përdor vitin kalendarik.</p> <p>Klasifikimi i ndërmarrjeve bëhet në bazë të Klasifikimit të Veprimtarive Ekonomike, Nve Rev.2 sipas Rregullores (KE) Nr 1893/2006 për "Zbatimin e Nve Rev. 2 në statistikat strukturore të ndërmarrjeve".</p> <p>Organizimi territorial statistikor brenda territorit të Republikës së Shqipërisë përfshin tri rajone bazuar në 12 qarqe:</p> <p><b>Rajoni I:</b> Dibër, Durrës, Kukës, Lezhë, Shkodër;</p> <p><b>Rajoni II:</b> Elbasan, Tiranë;</p>								

	<b>Rajoni III:</b> Berat, Fier, Gjirokastrë, Korçë, Vlorë
8.1.1. Asimetria e pasqyrës rrjedhëse së statistikave - koeficient	Nuk plotësohet nga INSTAT, llogaritet nga EUROSTAT kur të publikohen metadatat.
8.2. Krahasueshmëria kohore	<p>Procesi i aplikimit të kodit NACE Rev.2 në RSN ka filluar që në 2009. Për të bërë të mundur këtë proces në RSN u shtua një ndryshore e re e cila përfaqëson përshkrimin e aktivitetit ekonomik të ndërmarrjes. Kjo ndryshore u përdor si burim për përditësimin e kodifikimit NACE Rev.1.1 e si pasojë dhe kodifikimin e NACE Rev.2. Këto dy procedura u zhvilluan në mënyrë paralele. Censusi i Ndërmarrjeve Ekonomike (Jo-Bujqësore) i cili u zhvillua në 2010 mundësoi përmirësimin e cilësisë së RSN edhe në kuadrin e kodifikimit NACE. Që nga ky moment filloi aplikimi i kodifikimit të dyfishtë të aktivitetit ekonomik (Nace Rev.1.1 dhe Nace Rev.2). Aplikimi i kodifikimit Rev.2 u realizua edhe për vitet 2005-2009 Ligji Nr. 115/2014. Ligji “Për Ndarjen Administrativo-Territoriale të Njësive të Qeverisjes Vendore në Republikën e Shqipërisë” u zbatuar në RSN 2015, sikurse është përgatitur seria kohore për RSN finale për vitet 2010-2014.</p> <p>Pra INSTAT prodhon statistika zyrtare nga RSN me ndarjen e re administrative.</p>
8.2.1. Gjatësia e serive kohore të krahasueshme	Seria kohore e RSN ekziston që nga viti 1998 (si vit reference). Bazuar në NVE Rev.1.1 klasifikimi i të dhënave RSN janë të krahasueshme me kalimin e viteve 1998 deri në 2014. Në NVE Rev.2 të dhënave e RSN janë siguruar nga viti 2005 e në vazhdim.
8.3. Koherenca e ndërthurjes së fushave	Regjistri statistikor i ndërmarrjeve shërben për prodhimin e statistikave ekonomike. Të dhënave të publikuara nga RSN mund të gjenden në këto fusha të ndërlidhura: statistikat afatshkurtra, statistikat strukturore etj. Pavarësisht ngjashmërisë të treguesve të prodhuar nga këto fusha, duhet theksuar se dallime metodologjike ekzistojnë mes të dhënave të RSN dhe të dhënave nga statistikat e tjera.
8.4. Koherenca e të dhënave me frekuenca të ndryshme mbledhjeje	RSN përdor burime të ndryshme me frekuenca të ndryshme. Për përditësimin e RSN është krijuar një liste prioritesh bazuar në periudhën reference të të dhënave.
8.5. Koherenca - Llogaritë Kombëtare	Nuk aplikohet
8.6. Koherenca e brendshme	Konsistenca e brendshme e të dhënave është kontrolluar para se të finalizohet. Kontrollohen gjithashtu lidhjet midis variablave dhe koherenca në seri të tyre.
<b>9. Aksesimi në të dhëna dhe qartësia</b>	
9.1. Njoftim për media	Njoftimi për shtyp përmban informacion në lidhje me treguesit kryesorë, numri i ndërmarrjeve, aktiviteti ekonomik, madhësisë së ndërmarrjes, pronësisë dhe shpërndarjes gjeografike. Formatimi i njoftimit për shtyp ka ndryshuar; ajo është përcaktuar nga sektori i publikimit, i cili vendos edhe datën e publikimit. Njoftimi për shtyp i RSN publikohet online në faqen e internetit të INSTAT.
9.2. Publikime	Rezultatet e RSN janë të botuara në Vjetarin Statistikor. Përdoruesit mund të gjejnë rezultatet në faqen e internetit të INSTAT:

	<ul style="list-style-type: none"> <li>• <a href="#">Regjistri Statistikor i Ndërmarrjeve</a></li> <li>• <a href="#">Vjetari Statistikor</a></li> <li>• <a href="#">Burra dhe Gra</a></li> </ul>
9.3. Baza e të dhënave on-line	<p>Të gjitha informacionet vihen në dispozicion në dy gjuhë: Shqip dhe Anglisht. Që nga viti 2011, përmes sistemit Pc-Axis, për përdoruesit e jashtëm në faqen e internetit ofrohet seria kohore e RSN nga viti 2010 si viti referencë. Gjithashtu në këtë faqe interneti ka një shpjegim të thjeshtë metodologjik.</p> <p>Bazën e të dhënave e aksesoni në linkun më poshtë: <a href="#">Databaza</a></p>
9.3.1. Tabelat me të dhëna - Konsultimet	<p>Klikimet (Page Views) në lidhje me Regjistrin Statistikor të Ndërmarrjeve për vitin 2020 janë rreth 9,519 klikime ndërsa për vitin 2019 kanë qënë 8,133 klikime.</p>
9.4. Aksesimi në të dhënat mikro	<p>Të dhënat e RSN nuk bëhen të disponueshme në nivel mikro, si pasojë e ruajtjes së konfidencialitetit. Të dhënat e agreguara, janë lloji i vetëm i të dhënave që ofrohet për përdoruesit e jashtëm. Edhe pse të dhënat mikro nuk publikohen, ato mund të aksesohen në bazë të nenit 31, pika 5 e ligjit nr 17/2018, "Për statistikën zyrtare".</p>
9.5. Të tjera	<p>Përdoruesit mund të dërgojnë kërkesa të tjera specifike nëpërmjet një sesioni të dedikuar për kontaktet në linku më poshtë: <a href="#">Kërko të dhëna</a></p>
9.6. Dokumentimi i metodologjisë	<p>Një shpjegim i shkurtër lidhur me përkufizimet, konceptet kryesore dhe shpjegimet metodologjike për përdoruesit publikohet në njoftimin për shtyp dhe publikimet. Informacione shtesë u jepen përdoruesve të brendshëm kur është e nevojshme. Në faqen e INSTAT ka një seksion lidhur me <a href="#">metodologjinë mbi regjistrin statistikor</a>.</p>
9.7. Dokumentimi i cilësisë	<p>Spektori i Regjistrin Statistikor të Ndërmarrjeve dokumenton të gjithë procesin e punës dhe procedurat e RSN për qëllime të brendshme.</p>
9.7.1. Shkalla e plotësisë së metadata-ve	<p>Nuk plotësohet nga INSTAT, llogaritet nga EUROSTAT kur të publikohen metadatat.</p>
9.7.2. Metadata - Konsultimet	<p>Nuk Aplikohet.</p>
<b>10. Kostoja dhe ngarkesa</b>	<p>Numri i stafit të përfshirë në të dhënat e RSN:</p> <p>Totali: 4 të punësuar</p> <ul style="list-style-type: none"> <li>• Përgjegjës Sektor: 1 i punësuar</li> <li>• Specialistë: 2 të punësuar</li> <li>• Kontrollorë: 1 i punësuar</li> </ul> <p>Për procesin e imputimit RSN përdor të dhënat administrative dhe nuk ka kosto shtesë për trajtimin e mos përgjigjes. Marrëveshjet e bashkëpunimit midis INSTAT dhe DPT ose QKB konfirmojnë që të dhënat transmetohen pa kosto. Të dhënat statistikore gjithashtu janë pa kosto për RSN. Staf i RSN bën kontrollin dhe përpunimin e të dhënave për rezultatin final.</p>
<b>11. Konfidencialiteti</b>	
11.1. Konfidencialiteti - politika	<p>Të dhënat mblidhen, prodhohen dhe publikohen në bazë të Ligjit Nr.17/2018,</p>

	<p>“Për Statistikat Zyrtare”. Instituti i Statistikave duke u mbështetur në Nenin 15 të këtij ligji, ka për detyrë që: “Të gjitha të dhënat individuale të mbledhura nga njësia statistikore për nxjerrjen e statistikave zyrtare do të përdoren vetëm për qëllime statistikore. Këto të dhëna do të botohen vetëm bashkërisht dhe nuk do të përdoren për të marrë ndonjë vendim administrativ, duke përfshirë këtu vendime për kontrollin fiskal ose hetime juridike.”</p>
<p>11.2. Konfidencialiteti - trajtimi i të dhënave</p>	<p>Në përputhje me nenin 31 të Ligjit Nr 17/2018, datë 05.04.2018 “Mbi Statistikat Zyrtare”, nga të dhënat në nivel individual të RSN largohen të gjitha të dhënat demografike të ndërmarrjes, si Nipt-i, emri i ndërmarrjes, emri dhe mbiemri i presidentit, data e krijimit të ndërmarrjes dhe adresa e saj. Fillimisht shënjohej me (c) si konfidenciale rastet e grupimeve që kanë 3 ose më pak ndërmarrje si edhe rastet kur përqindja që zënë dy ndërmarrjet më të mëdha kalon 75%. Më pas shënjohej me (c) rastet të cilat do të çonin në identifikimin indirekt të ndërmarrjeve.</p>
<p><b>12. Komente</b></p>	
<p><b>Aneks</b></p>	